



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1752. usque ad
Annum 1757 - Cum Appendice ad Annos 1744. 1745. 1748

Luxemburgi, 1758

XLVII. Confirmatur Resolutio Congregationis deputatæ super correctione
librorum Ecclesiæ Orientalis, super abbreviatione Officii, & Missæ pro
Monachis Ordinis S. Basilii. 17. Maii.

[urn:nbn:de:hbz:466:1-74789](https://nbn-resolving.org/urn:nbn:de:hbz:466:1-74789)

approbationis, concessionis, Indulti, extensionis, ampliacionis, decreti, & derogationis, infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum ejus, se noverit incursum.

Datum Romæ apud S. Mariam Majorem Anno Incarnationis Dominicæ Millefimo septingentesimo quinquagesimo quinto, Kalendis Aprilis, Pontificatus Nostri Anno Quintodecimo.

D. Card. Passioneus.

J. Card. Pro-Datar.

V I S A

De Curia J. C. Boschi.

L. Eugenius.

Loco † Plumbi.

Registrata in Secretaria Brevium.

Dat. 1. Aprilis 1755. Pontif. ann. 15.

XLVII.

Confirmatur Resolutio Congregationis deputatæ super correctione librorum Ecclesiæ Orientalis, super abbreviatione Officii, & Missæ pro Monachis Ordinis S. Basilii.

BENEDICTUS PAPA XIV.

Ad futuram rei memoriam.

Ad debitum Deo cultum exhibendum, & canonicas horas recitari, & Sacrificium offerri quodvis voluit Ecclesia.

QUEM religionis sensum natura Nobis indit, ut non solum laudemus, celebremus, & glorificemus jugiter Dominum omnium conditorem, propter quod rationales facti sumus, & a brutis differimus; verum etiam ut oblationibus & sacrificiis placemus Deum nostrum, ac scelera nostra expiemus; ad eundem tam in veteri Testamento, quam in Catholica JESU CHRISTI Ecclesia alendum, fovendum, adaugendumque in primis studia omnia intenta fuerunt. Quoniam autem JESUS CHRISTUS verus Deus, verusque homo, Mediator Dei & hominum, Sacerdos in æternum secundum ordinem Melchisedech, cessante carnalium sacrificiorum varietate, omnes differentias hostiarum una Corporis & Sanguinis sui implet oblatione; & quomodo adorare Patrem suum in spiritu & veritate, ipsamque orare & laudare docuit, exemplumque præbuit; Sancti Apostoli ab eo Magistro instructi, ac per ipsos Catholica Ecclesia Spiritu Sancto inspirante edocta, & Officium Canonicarum Horarum, debita cum rituum, caeremoniarumque magnificentia, Deo quotidie persolvendum digessit; & Sacrosanctum Missæ Sacrificium, in quo nimirum Agnus Dei in odorem suavitatis Deo jugiter a Sacerdotibus immolatur, & panem de cælo verum comedimus, cum ritibus pariter, caeremoniis, & precibus, quotidie in Ecclesiis peragendum mandavit. Utrumque vero Officium scilicet & Sacrificium, ut Omnipotenti Deo esset magis gratum & acceptabile, diversæ, variæque, quoad sacras preces, ritus, & caeremonias, initæ fuerunt rationes, juxta diversas, variæque nationes, & religionum hominum Ordines, atque Instituta tum Occidentalis, tum Orientalis Ecclesiæ, quæ secundum acceptum a majoribus cujusque morem & consuetudinem, etsi pro temporum vicibus aliquando variatam, in unitate tamen Catholice Fidei, doctrinæque persistentem, quamplurima pro libito & pietate addere studuerunt. Apostolica autem hæc Sancta Romana Sedes nihil habuit an-

tiquius, nihil curavit impensius, quam ut cum de utroque nempe Officio & Sacrificio ab ipsa aliquid exquisitum fuit, quoad fieri posset, brevitati ac sinceræ pietati, servatis servandis, consuleretur; ne quamplurimi ex Christianis, sive recitantibus, sive celebrantibus, sive audientibus Officium, vel Missam infirmiores, tum propter prolixitatem, tum propter linguæ ignorantiam tædio affecti, quam inde percipere solebant, Spiritus pinguedinem & suavitatem averfari inciperent.

§. 2. Porro cum Dilectus Filius Augustinus Sciommari Monachus & Abbas Ordinis Sancti Basilii, ejusque modernus in hac Alma Urbe nostra Procurator Generalis, nomine totius suæ Congregationis, Nobis supplices preces humiliter porrigendas fecerit, ut dignemur abbreviare Missam & Officium Divinum, pro quibus recitandis, ac celebrandis adeo longum tempus infumendum est, ut id vix ob humanam infirmitatem sine tædio aliquo peragi possit, & modicum eis temporis spatium superest, quo operam sacrarum literarum studiis dare valeant: Nos fanè preces hujusmodi remisimus ad Dilectum Filium nostrum Fortunatum Tituli Sancti Calixti Presbyterum S. R. E. Cardinalem Tamburinum nuncupatum, Congregationi Particulari super correctione Librorum Ecclesiæ Orientalis deputatæ Præfectum, ut eas eidem Congregationi expendendas, atque examinandas proponeret.

§. 3. Itaque dicta Congregatio habita die VII. Maii, & XIII. Augusti MDCCCLII. rescriptit, indulgeri posse, ut abbreviatio Officii ferialis extra Quadragesimam fiat juxta modum infra designatum, nempe quoad abbreviationem Matutini diebus ferialibus, præter Quadragesimam, retineatur integrum Cathisma: Omittatur Exapfalmon, sed quotidie unus ex Psalmis in eo comprehensis ex ordine recitetur. Die autem Dominico integrum Exapfalmon dicatur, & quatuor Psalmi, qui notantur in Horologio Basilianorum pagina 42. Aliis vero diebus non ferialibus ferretur Typicus solitus usque ad primum Canonem exclusivè: Canon Sancti ad Triodiam redigatur, nempe prima, octava, & nona Ode recitetur: Postea dicatur Canon Feriæ, sed tria tantum Troparia singularum Odarum, scilicet primum, quod ad Feriam; alterum quod ad Sanctos Martyres; ultimum quod ad Beatam Virginem pertinet: Post tertiam Odem, solitæ Cathismæ, seu Antiphonæ: Post sextam, consuetum Conthacion, seu Leon; deinde Synaxarium Sancti: Post octavam Odem Psalmus *Magnificat*, & solita Exapostillaria, & reliqua juxta Typicum. Quoad abbreviationem Vesperarum, ex sex Antiphonis, seu Stichis, quatuor tantum dicantur; deinde: *Gloria*, & hymnus: *Lumen hilare*, versiculi; & prophetiæ, aut lectiones e Scriptura, quando occurrunt: Post Orationem: *Dignare*, omittantur Antiphonæ: Deinde dicatur Psalmus: *Nunc dimittis*: reliqua autem omnia, de quibus nihil adnotatur, juxta solitum. Quoad abbreviationem Completorii: Canon redigatur ad Triodiam, & in ejus recitatione intermiscantur de more Oratio Dominica, Antiphona, & Synaxarium, quando oportet: Deinde Psalmus: *Magnificat*, & reliqua omnia de more, ut in Horologio.

§. 4. Postea tractatum est de abbreviatione Missæ privatæ, & eadem Congregatio censuit permitti posse in hunc modum: Facta præparatione materiæ de more in Altari cum solitis Orationibus, Missa privata incipiat a verbis illis. *Εὐδοκίῳν ἡ βασιλεὺς Ὁ. Benedictum Regnum Ὁ. cætera*, quæ præcedunt, recitentur a sacerdote, vel in Sacrario, vel dum pergit ad Altare. Magnam Synaptim, seu Collectam esse retinendam. Retineantur quoque Orationes primi, secundi, & tertii Antiphoni, una cum exclamationibus, & cum ipsis Antiphonis. Minor autem

ti parcens, semper studuit brevitati.

Preces Procuratoris Generalis Ordinis S. Basilii, ut brevior Missa, & Officium pro sua Congregatione redderetur.

Rescriptum Congregationis deputatæ super correctione Librorum Ecclesiæ Orientalis, cui fuerunt remissæ preces, quoad abbreviationem Officii.

Alterum ejusdem Congregationis rescriptum quoad abbreviationem Missæ privatæ.

In variis diversarum gentium caeremoniis eadem semper unitas fidei.

Ecclesia Romana humane fragilitate

Collecta, seu Pacifica, quae incipiunt: *Επι ηδὲ εἰ, &c. etiam atque etiam in pace*, omittatur. Oratio ingressus Evangelii omittatur. Retinendum Trifagium cum Oratione. Supplicatio, quae incipit: *Εἰσομαὶ πάντες &c. Dicamus omnes &c.* retinenda; sed eo modo, quo sequitur, nempe omiffis, quae leguntur post verba illa: *κατὰ τὸ μέγα ἔλεος, ὡς ἠμέτερά σου ἐκένωσον καὶ ἡμεῶν: Secundum magnam misericordiam tuam exaudi & miserere usque ad Orationem extensae supplicationis, quae incipit: Κύριε ὁ Θεὸς ἡμῶν &c. Domine Deus noster &c.* Deinde omittantur, quae sequuntur post verba illa: *Πάσιον ἔλεος, Divitem misericordiam usque ad exclamationem: Ὁτι ἐλέησας &c. Quoniam misericors &c.* Preces atque Oratio pro Catechumenis omittantur. Hymnus Cherubicus cum Oratione retineatur. Oratio *Κύριε ὁ Θεὸς &c. Domine Deus Omnipotens*, retineatur, omiffis verbis, quae sequuntur: *τῆ σὺ χάριτι &c. gratia tua*, usque ad *Ὁσὶ τῶν ἀνιγῶν, per miserationes &c.* Symbolum quotidie more Graecorum recitandum, exceptis Missis, ut vocant, pro Defunctis. Troparia, seu Theotocion in fine Missae omittantur. Reliqua omnia retineantur.

Nonnullae
peculiares
abbreviatio-
nes quoad
Officium
Quadragesi-
mae.

§. 5. Demum in Congregatione diei 16. Septembris 1753. inter caetera propositum est: An Patribus Basilianis indulgendum sit, ut in Officio Quadragesimae omittant Cathisma Psalterii ad horam tertiam, & ad horam nonam? Et insuper, ut magnum Completorium in Quadragesima uno tantum die cuiusque hebdomadae in suis Ecclesiis dicant, aliis vero diebus omittant, dicantque solum parvum Completorium? Et rescribere placuit: Quoad primam partem, omitti posse, Cathisma ad horam nonam tantum, dummodo recitatio integri Psalterii in tota hebdomada compleatur: Quoad secundam partem, magnum Completorium retineatur feria secunda, & quarta. Haec tamen & alia in superioribus Congregationibus definita pro Patribus Basilianis, intelligantur Monasterium Medijussi non comprehendere, cui suos veteres ritus, mores, atque instituta in fundatione praescripta, juxta Apostolicas Constitutiones, retinere, ac servare praecipitur.

Monasterium
Medijussi his
definitioni-
bus non com-
prehenditur.

§. 6. Facta autem Nobis per Dilectum Filium Magistrum Nicolaum Antonellum in utraque Signatura nostra Referendarium Praelatum nostrum Domesticum & dictae Congregationis Particularis Secretarium hujusmodi relatione, mandavimus, ut recitatio Cathisimatam Psalterii singulis diebus ferialibus extra tempus Quadragesimae facienda ita aptetur, ac distribuatur, ut saltem in duabus hebdomadis integrum integrum Psalterium recitetur: Quoad abbreviationem vero Missae, ut Symbolum in omnibus Missis, etiam in iis, quas ipsi pro Defunctis vocant, more Graecorum recitetur. Caetera vero benignè approbavimus die 24. Augusti elapso anno 1754.

Apostolica
auctoritatis
robur adjici-
tur.

§. 7. Verum ut praeserta omnia firmiter subsistant, ac serventur exactius; Nos, qui memoratum Ordinem Sancti Basilii, & potissimum Congregationem sub ejusdem Sancti Basilii auspiciis

& Ordine militantem, & in Occidentali Catholica Ecclesia religiosis virtutibus, eximie Orthodoxarum adversus schismaticos doctrinarum, disciplinarumque studiis, & exemplis florentem, plurimi facimus, magnoque in honore, ac pretio habemus, Apostolica auctoritate, tenore praesentium, omnia & singula praeserta approbamus & confirmamus, illaque perpetuo Apostolicae firmitatis robore munimus, atque insimul auctoritate & tenore paribus mandamus omnibus & singulis Superioribus Generalibus, Provincialibus, Prioribus, ac Monachis dictae Congregationis & Ordinis, in virtute sanctae obedientiae, ut deinceps, prout praemittitur, & non aliter, ipsi fervent, & ab aliis sibi subditis servari faciant & curent & praecipiant; salva tamen semper in praemissis ejusdem Congregationis Particularis super correctione Librorum Orientalium deputatae auctoritate.

Clausula
cum derogati-
one contra-
riis.

§. 8. Docerentes, praesentes literas, & in eis contenta quaecumque, semper firma, valida, & efficacia existere & fore, suosque plenarios & integros effectus sortiri & obtinere, ac Monachis saepe memorati Ordinis & Congregationis in omnibus & per omnia plenissime suffragari, & ita ab eis respective inviolabiliter observari debere; sicque, & non aliter, in praemissis, per quoscumque Judices Ordinarios & Delegatos, etiam Caesarem Palatii Apostolici Auditores, & S. R. E. Cardinales & eorumdem Cardinalium Congregationes, nec non Apostolicae Sedis Nuncios, & quosvis alios quacumque praesentia & potestate fungentes & functiones, judicari & definiti debere, ac irritum & inane, quidquid secus super his a quoquam quavis auctoritate scienter, vel ignoranter contigerit attentari. Non obstantibus Apostolicis, ac in Universalibus, Provincialibusque, & Synodalibus Conciliis editis generalibus, vel specialibus Constitutionibus & Ordinationibus, dictique Ordinis & Congregationis, etiam juramento, confirmatione Apostolica, vel quavis firmitate alia roboratis, statutis, & consuetudinibus, privilegiis quoque, indultis, & Literis Apostolicis, & quibuscumque aliis Decretis in genere, vel in specie, aut aliis in contrarium praemissorum quomodolibet concessis, confirmatis, & innovatis, quibus omnibus pro hac vice tantum, ad praemissorum effectum, derogamus, caeterisque contrariis quibuscumque.

Fides tran-
sumptis ha-
benda.

§. 9. Volumus autem, ut eandem praesentium literarum transumptis seu exemplis, etiam impressis, manu Abbatis Generalis, vel Generalis Procuratoris pro tempore existentium subscriptis, & sigillo ejusdem Ordinis munitis, eadem prorsus fides adhibeatur, quae ipsis praesentibus adhiberetur, si forent exhibitae vel ostense.

Dat. 17.
Maji 1755.
Pont. XV.

Datum Romae apud Sanctam Mariam Majoram sub Annulo Piscatoris, die XVII. Maji MDCCCLV. Pontificatus Nostri Anno Decimoquinto.

Cajetanus Amatus.

